

THU AWMTE

1.	Editorial	2
	<i>Sermon:</i>	
2.	Keini chhungkua ve hi	3
	<i>Ram chung Pastor-te:</i>	
3.	Rawngbawlna Report	7
	<i>Mission huang:</i>	
4.	Mission rawngbawlna	13
	<i>Bible Study:</i>	
5.	Pathian thu zir tulna	17
	<i>Fellowship huang:</i>	
6.	MPKTP Report	23
	<i>Bible Study:</i>	
7.	Thisen	25
8.	Zawhna leh Chhanna	31

AUGUST THLA CHANG VAWN:

A zawngtu che zawng zawng chu nangmahah
 chuan hlim tak leh lawm takin awm sela: I chhandamna
 ngainatute chuan, "LALPA chu chawimawiin
 awm rawh se," ti fo rawh se.

Sam 40:16



Editorial

Mihring inrelbawlna kawnga pawimawh hmasa ber chu chhungkua hi a ni. Mi thiamte pawhin zirna in hmasa ber chu chhungkuaah a intan an ti. Chhungkua hi a pawimawh khawp mai, Chhungkua atanga bul tan that a, chuta tang chuan khawtlang nunah awm dan tur leh tih dan tur kan lo brethiam thin a ni.

Kohhran pawh chhungkua atanga bul tan that a pawimawhzia kan hre theuh awm e. Kristian chhungkua atanga bul tan loh chuan Kohhranah pawh nghawng a nei thin. Fanaute Pathian lama kaihhruai hi nu leh pate mawphurbna a ni. Kan Bibleah chuan, "Naupang chu a kalna awm kawngah chuan zirtir ula, a upat hun pawhin a thlah lo vang." (Thuf. 22:6) tih ziak kan hmu a. Naupan lai atanga zirtirna tha inpe turin Pathianin min kawhbmuh a ni.

Khawtlang nunah pawh chhungkuaa zirtirna tha dawng chuan mi dangte nena khawsakbonaah nun dan tawka thiam nge nge thin. Mi dang mitmei ven nachang hre miah lova mahni dub dan ngawta kal tum te hi a tha lo. Mahni mihringpuite zahna nei lo mi chu mi hnawksak leh harsatna thlentu an ni dub khawp mai.

Kohhran rawngbawlna kawngah pawh chhungkua atanga bul tan that a tul ble a ni. Hruaitu ni tur phei chuan Paulan Timothea hnena lekhathawna a sawi ang hi kan vawng tlat tur a ni ang, Kohhran hotu chu ... zahawm taka fate kilkawia mahni inchung khawsak rel fel thiam mi a ni tur a ni; (miin ama in chung khawsak mah a rel fel thiam si loh chuan Pathian Kohhranho engtin nge a enkawl theih ang?)

Kohhran hi a huhoa khawsakna a nih avangin hlim tak leh lungmuang taka Pathian faka a rawng kan bawlho theih nan Rawngbawltute leh Hruaitu hna chelhtute pawhin mipuite enkawl thiam a tul khawp ang.

KEINI CHHUNGKUA VE HI (Chang thlan Joshua 24:15)

*Elder Lalbiaknunga Chhinte
Sialhawk*

Khawvel hringnun her zelah hian a hnam, a sakhua, a khawtlang, chhungkua leh mimal ang pawhin Pathianin a mihring siam hmasak ber Evi leh Adama a dahna Eden huan ata bawhchhiatna avanga hnawhchhuah an nih atang tawh khan mihring leh nungchate zinga dan ziding ber leh kaltluang zel ta chu, "**A ruh no no chhuakah**" tih hi a la ni ngar ngar awm e.

Pathianin mihringte hi chi hmasak berna chu kan tam tak thlah punga lei luah chhungkua theuh hi a lo ni khat turin chhungkua din ta a ni. chho zel turin leh chu chhungkua chu mihringten An tia lawm, tlangval kan zirna sikul hmasa ber pakhat ^ deuh phiang atan min ruahmansak a ni. phuang pakhat pawh a Tichuan khawvel eng kan ngawi vung vung a, "Dam- hmuh tirh atanga thil chhia tlang tak maia chhungkua leh tha, thil hlah tur leh han in sual laih laih mai hi hlah loh tur te, ngaihsan chu a nuam ve ngawt mai," tur leh ngaihnepe turte, a ti heu mai a ni awm e. Khawvel kan hmelhriat dan Chuvangin, kan mihring tur zawng zawng deuh- mihrinna ze ril tak thleng thawa zirtirna kan dawn hian kan chhungkua hian

min nghawng thui em em a ni.

Keini chhungkua ve hi a ruh no no nek chhuah leh dip rala an awm mek zelna khawvelah hian kan hma hun a thim nge, a eng? Hah taka kan thawhchhuah sa kan in leh lo leh kan neih ro sumte rochun zela khawvel lo awm zel tura dam khawchhuahpui tlak tur tu leh fate kan nei em? Pathian thutak leh zirtirna dik hringnun khawvel tawp hnu pawha Pathian hnen thlenna tlak ngei nia kan hriat kan sakhua chhawm nunga puang darh zel tlak tu leh fate kan chher chhuak em? *'Thir chu a lin lain deng rawb'* tih thufing a awm angin chhungkaw tinte hian kan hmalam huna tisa leh thlarau lama kan dam khawchhuah nan hian kan tih tur hi a hun takah kan tih theuh zel chuan thil harsa leh theih loh anga langte pawh hi a lin laia den na na chuan a lo harsa tehchiam chuang lo a lo ni.

Mizote hi hnam naupang leh inzir mek(developing) kan nih angin kan pipute atanga kan chhungkaw nun dan pawh thil tha zawk atana siam rem kan ngai nual in a lang.

LALPA LAKA KAN ROCHAN:

Kan tu leh fate an taksa mamawh ei tur leh silh leh fen leh zirna kan pek hi chuan chhungkaw tam tak chuan kan duhtawk deuh mai niin a lang. Keini aia hnam fing leh upa zawkte chuan chhungkaw hlutna hi an lo hrechiang em em mai a. Chhungkua hi ei leh in, silh leh fen mai bakah rilru leh ngaihtuahna thlenga mi puitling ni tura inbuatsaihna tur a ni tih hi an lo hrechiang em em mai a ni. Nu leh pate boruak hap chin ang deuh zel hi kan naupan lai leh kan rilru than chhoh laia kan rilru put hmang kan than hnan thin chu a ni deuh zel. Kan fate hi naupang t> an nih lai atangin mahni inring

tawk tur te, mahni intodelh leh mahni kea din theih tum tlatna te, Pathian nena nun hman tlat tumnate nei tur hian kan fuih sauh sauh a va ngai em.

CHHUNGKAW

INKAWM NGEIH:

Tunlaia chhungkaw awhawm, ruihtheihthilin a tihbuai ve loh leh chhungkua a lungrual taka kohhrana inhmang. Chhungkaw intodelh leh zahawm pangngai chinte hi chu han bih Chiang ila nu leh paten fate an kawmngiehin an fate hi thian tha tak ang maiin an kawmin thu chhia thu tha an sawihopui theih vekte hi an ni tlangpuiin a lang.

Nu leh paten kan fate kal kanin Pathian thu, Politics etc. kan tuisan a. Pathianin kan enkawl ve tur leh ama hnena hruai thleng turin rochan hlu tak kan fate hi min pe a. Chutih lain nu leh pa inti thlarau mi deuh thenkhatte phei chuan "Kei

chu ka fate hi chu Pathian enkawlah ka dah tawp mai" tiin anmahni chu an indahtha th>n zel mai a. Hetiang mite hi chuan kan fate humsual daina tur chance kan pe sang hle thin a ni. Kan fate chhungril nun humsak kan duh chuan tharum leh vauna tawngkam nen pawha kan khalthngil theih lai kum sawm hnuai lam an nih lai atanga luhchilha kawmngieih aia kan eizawna lama kan rilru zawng zawng kan sen san thin avangin nu leh pate kan sakhuaah nghetin ruh viau mah ila kan tu leh fate mahnia khawvel hran leh thil thlir dan hran nei tham an lo nih ve tawh chinah chuan phengphehlepa khua kan lo tlai zo ta thin a ni.

PATHIAN KOHHRANAH THALAITHE KHAWVEL:

Pathian kohhran chhungkua bikah lo lut ta ila. Kohhran tlemte leh rin dan leh tih dan phung danglam leh Kristian nawlpuite lakah

chuan danglam tak mai kan nih bik avang hian chhungkaw lungrual ni tur chuan nu leh pate kan mawhphurhna a sang bik leh zual hle a ni. Tunlai khawvel, Pathian ngaihsakna nasa taka a tlakhniam tawhna hunah phei hi chuan, Messia Chanchin tha dik leh a Lalram kan zauh theihna awm chhun chu kan chhungkua hi a ni deuh mai tawhin a lang a. Kan tu leh fate an len tawh hnuah kan kohhran zirtirna han barhluih leh hnuhnawh a, an then leh rualte Dan bawhchhiatna lak ata la hrang tur hi chuan a lo har talh tawh thin a ni.

Chuvangin kan tu leh fate tan hian nuam ti tak leh rualawt bik lova Pathian kohhran mi diktaka an lo thanlen chhohna tur khawvel hi kan siamsak ve zel hi a ngai ta takzet a ni. Engvangin nge miten Christmas vuakvetah an fate duhzawng an tihsak theih ang

angte an tihsak chuan keini pawhin Bawkte k<t vuakvetah kan fate duhzawng kan theih ang ang kan tihsak ve mai loh bik ang. Kan fate hi rualawt reng rengin i siam bik lo-vang u. Engvangin nge mi-ten an fate kohhran inkhawmpuiah kawr thar nena an tirh chhuah zung zung laiin kan fate hi kohhran Inkhawmpui nuam ti taka an hman ve theih nan kan tuamhlawm ve mai loh bik ang. Engvangin nge kan fate hi an zirna leh YMA, YLA, MTP-a an inhman vena hmunah ei thiang lo an serh avanga an lo d^wng palh a nih chuan an rilru hneh nan tal kan duat phah sauh loh bik ang. Engvangin nge dan bawhchhehovin Dan Bawhchhepa ni phuachawp urhsun taka an hman chuan keinin Lalpa Inkhawmpui Thianghlimte hi chhungkua leh kohhran angin hlimawm leh nuam taka kan hman ve mai loh vang.

(Chhunzawmna phek 12-naah)

RAMCHHUNG PASTOR-TE RAWNGBAWLNA REPORT

— Elder David L. Hmar, General Secretary



Pastor
ST John Beingachhie



Pastor
C. Liangsanga



Pastor
H. Lalfakzuala



Pastor
Robert Malsawmsanga

Pastor John-a Rawngbawlna Report (July thla)

Dt. 1.7.2023 Sabbath chu Aizawl Local Church-ah Matt. 17:27 thu hmangin Biak inah chhiah pek chungchang a sawi. Dt. 2.7.2023 chu Aizawl Circle Executive Committee Meeting a telpui. Dt. 5 leh 9.7.2023-ah Pastoral Ministry Pastors Written test leh Interview-na a telpui.

Dt. 15.7.2023 Sabbath chu Circle OB-te nen Sihhmui an tlawh a, haw lamah Pu Samuel Lalmalsawma, Phunchawng te tlawh hawin tawngtaina an neihsak baw.

Dt. 16.7.2023 chu Aizawl Local Church Building sak hnatlang a telpui.

Dt. 22.7.2023 Sabbath chu Zuangtui Local Church lamah Bial Inkhawmpui nghahna tur te a nih avangin Rom 8:35 thu hmangin chhelna an neih theihna turin fuihna thuchah a sawi.

Dt. 24.7.2023 Monday-ah Aizawl Circle OB-te leh Deacon Hmangaihsanga, Pi Biaki w/o Elder Lalzidinga leh a fapate nen Vairengte lamah an kal a, Pu Rinpuia In dâp chhuat chu Plyboard-in an thlaksak a, a bang rangva chhia chu Tile-in an thlaksak baw. Hemi atan hian Aizawl Circle PKHP-ten Rs. 10,000 (Singkhat) an thawh a, Zarkawt Local Church a tangin Rs. 4,000 (sangli) an thawh ve baw. A bak chu

Circle Sum hman a ni.

Tin, Elder HK Pazawna chu rei tak damlova a awm avangin Circle sum Rs. 3000 (sangthum)-in an kan nghal bawk. A bak chu kohhran member-te tlawhkualin hun a hmang.

Dt. 29.7.2023 Sabbath chu Aizawl Local Church-ah Inkhawm a kaihruai a, hemi ni hian Elder David L. Hmar General Secretary-in Pathian hnenah nau pali a hlan a, chungte chu –

1. Simeon Sawthly
S/o Pastor ST John Beingachhie
2. Florida Lalduhawmi
D/o Laldingliana
3. Melina Lalbiaktluangi
D/o Laldingliana
4. Raphael C. Laldingliana
S/o Richard Lalengmawia

Pastor C. Liansanga
July thla chung rawng-bawlina Report

Mizoram Conference Office Bearers-ten W. Phaileng lama rawngbawlina nei tura an koh angin Dt 29.6.2023

Thursday khan, Siaha chhuahsanin Aizawl a lo pheia, Pastor John Quarters-ah innghatin, a tukah W. Phaileng a pan thla leh ta a. GS-in a lo hrihl lawk tawh angin, Pi Hmangaihi te chhungin an lo dawngsawng a ni.

Tirh a nih angin, tirh chhan rawngbawlina hun tha tak a zuk hmang thei a, Sermon inkhawm vawi 6 lai a hmanpui bakah inkhawm banah chhun, tlai, zanah nen Pathian thutaka inkawmhona a neihpui thin a, Sermon inkhawm vawi ruk neihpuiah hetiang thupui hmang hian Pathian thuchah a puangchhuak thin.

1. Kohhran chu enge a nih?
2. Kohhran in-sorkarna leh inawp dan tur.
3. LALPA Zanriah ei hun dik tak.
4. Kawngka zim leh zâu awmzia.
5. Kohhran chhunga in hmangaih tawn dan tur.
6. Lal Messia lo kal lehna thu. An hlâwkpui hle tih thu kan lo dawng.

Chutianga rawngbawlna tha tak a zuk hmanpui hnu chuan Dt 4.7.2023 Tuesday khan Pastor lâknaa tel tur a nih laiin an chhungkaw dam that loh vangin a Bial lamah a haw leh ta a ni.

Dt 20.7.2023 khan, Deacon B Dinchunga, Niawhtlang leh Deacon F. Ṭuanthanga leh a fapa Tv. Vanlalngbaka ten Phawngpui Circle bial fannaah an zui a, Friday-ah Siaha atangin an chhuak a, tuang takin Sangau an thleng a, Kohhranhote pawh an lo damtlang a; amah zuitute nen thlen in tura an lo ruahman sâah an thleng darh ta hlawm a, zan lamah inkhawm Programme hman nghal a ni. Rawngbawlna nei nghalin, Nuho leh Ṭhalai lamte tân Thurin inzirtir a pawimawhzia a sawi a: naupan laia zirtirna dawng lo chu, an lo puitlin hunah an bo leh mai thin a ni tih te, Naupan lai atanga fate chung a rawngbawlna neih a pawimawhzia sawina a nei a, an hlawkpui hle.

Dt 10.7.2023 Sabbath Niah "Sawma pakhat leh thilpêk" tih a sawi leh a, Kohhranhote thilpek leh Sawma pakhat pek kawngah thahnem ngaih a pawimawhzia a sawi baw. Inkhawm bânah a zuitute leh Sangau Kohhran rawngbawltute nen Pangkhuaah lehlângin an inkhawm a. Hun tha tak an hmang.

Pangkhuaah hian, Elder Chhanhreluaia te nupa erawh chu Medical checkup leh in enkawl pahin Lawngtlai lamah an lo awm lai tak a ni. Pangkhuaah hian nileng deuthawin inkawmna an hmang a, "Thutakah ding nghet rawh u" tih hmangin fuihna thu a sawi. Elder Chhanhreluaia fapa, Vâla pawh a pâ rawngbawlna ngai pawimawh leh tungding turin a fuih baw a ni. Hun hlimawm tak an hman hnuin tlai lamah Sangauah an haw leh ta a ni. Sangauah hian Zan lam inkhawmna nei lehin "Kohhran leh mo thianghlim" tih thu hmangin fuihna thuchah a sawi leh a, Nuhovin an hlawkpui zual. Inkhawm

banah pawh inkawmhona leh Pathian thua zawhna leh chhanna hun hman a ni zui leh bawk.

Dt 11.7.2023- Sunday zingah Cheuralah insawn lehin Tukthuan an kil phei a, chaw ei khamah inkhawmna neiin, Pathian thu sawina hun a hmang. Nilenga hun an hman hnuin tlaiah Bualpui (Ng) lamah an haw phei leh ta a ni. PKHP Target, Cheural Local hian an hum hawtir bawk a ni. Dt 12.7.2023- Sunday zanah Bualpui (Ng)-ah riakin Kohhranhote nen kim takin inkhawmna an nei a, Pathian thuchah a sawi leh a, inkhawm banah inkawmhona leh infuihna hun hman a ni bawk! Bualpui (Ng) Sawma pakhat leh Budget sum pawh engemaw zat an hawntir bawk. A tukah Siaha lam panin a hawsan leh ta a ni.

Pastor H. Lalfakzuala July thla Report

4th July khan Pastor inter-

view board thu turin Aizawlah a zin a, Aizawlah hian ni nga a cham a, a cham chhung hian a kal chhan angin Pastor dilte interview-na Board member a nih angin a thu. Pastoral Ministry meeting-ah a tel bawk. Aizawla a cham chhung hian PKTP Aizawl Local inkhawmah sermon hun pek a nih angin Pathian thuchah a sawi a, MPKHP leh MPKTP meeting-ahte a tel bawk.

Dt.20.07.2023 khan bial fangin a zin chhuak a, Tualte, Sialhawk leh Biате a tlawh hlawm a ni. Tualteah zan khat a riak a, kohhranhote an lo lawm thiam hle a, anni hi engtiklai pawha Biak in leh a vel enkawl fai reng an ni a, an fakawm hle a ni. Sialhawkah Sabbath a hmang a, a cham chhungin vawi thum inkhawmna a neihpui. Kohhranhote inkhawm an tha thei hle a ni. Sialhawk kohhran hian Biak in an sa mek a, favang lamah chuan a chung an chih hman beisei a ni. Kohhranhote an inlungualin an entawn tlak

hle a, hei hian kohhranah hlimna leh lawmna a siam nasa hle a ni.

November thla MPKHP inkhawmpui neih hun atan nuhote pawhin hlate zirin an inbuatsaih nasa hle baw. Sabbath tlai lamah kohhran hruaitute nen kohhran chhungkaw hrang hrang an tlawh kual baw. Biateah zan khat a riak a, NI. Gospeli hi amah chauha awm a nih avangin zan lamah inkhawmna a neihpui a ni. Bial fanga a zinna khua atangte hian thilpek hrang hrang Sawma pakhat, PKTP leh PKHP Budget sumte a lakhawm pah zel baw a ni.

Dt.28.07.2023 khan bial fangin an nupa bakah Deacon C. Malsawmtluanga te nen Khawzawlah an kal a, Sabbath an hmanpui a, Pu Lalramngbaka kum 60 S/o Zopuilala (L) Presbyterian Kohhran Khawzawl chuan Pathian Kohhran inzirtirna chu Bible atanga dik ber a nih thu a hriat

avangin inkawmna nei turin chah a ni a, Pathian hnathawh ropui tak zarah Sabbath inkhawmnaah Pathian Kohhranah lawmluhna a nei a, inkhawm banah Lalpa Yeshua Messia hmingin baptisma a chantir nghal a ni.

Chawhnu lamah Pi Mas-thangi'n Cement Concrete hmanga a In sak thar chu Pathian hnena hlanna a neihsak a, a lawmna atan tlai lamah In thar pualin kohhranhote nen puar takin ruai an kilho a ni. Member thar leh In thar an neih avang hian Khawzawl kohhranhote pawh an lawmin an hlim hle a, Pathian ram thilpek hrang hrang an hawntir baw a ni.

Pastor Robert Malsawmsanga Report

Ni 5 leh ni 9 July, 2023 khan Pastoral Ministry Committee-in Pastor laktharte Written Test leh Personal Interview Hqrs Aizawl-ah neih a ni a, Board member a nih

angin a tel. Aizawl Local Church-ah Sabbath Sermon Pastor Rothanga (Rtd)-in a hun hlu tak kianin thusawina a nei. **“Engati nge i nghah reng le?”** tih thupui hmangin kohhranhote Lalpa rawngbawl turin a fuih hlawm a ni.

Naute thar an neih avangin July thla chhung chu bial fangin a zin chhuak thei lova, Tualchhungah a theih ang angin ram lak rawngbawl na pawimawh tak a nei pah zel a, Ni 29th July, 2023 Sabbath khan Pu Lalmuanzuala te chhungkua, Ni 14 kohhran aţangin Church of God (Seventh Day) Kohhranah a lawm lut a, lawm luhte chu hengte hi an ni:

1. Pu Lalmuanzuala
2. Pi Zioni
3. Nula Lalhmingmawii.

Kohhrana mi rinawm tak lo ni chhungkua zel rawh se.

Bial chhunga kohhran hrang hrangte tlawh kual hna tluang taka a hman hnuah Lungleiah a kir leh ta a ni.

**(Sermon: KEINI
CHHUNGKUA VE HI
Chhunzawmna)**

A tawpna lam atan chuan kohhrana chhungkaw tin ten Lalpa rawngbawl kan thlang a nih chuan chhungkua hi kan Mission Field hmasa berah nei theuh ila, kan tu leh fate hi Pathian thutak nen an naupan tet lai aţangin an nun chhungril ber hi luhchilh ila. An tan rualawt bik lova an thanlen ve zelna tur Pathian Kohhran boruak nuam tak siamsak ila. Chhungkua inlungual taka Pathian rawngbawl tur leh ei leh bar zawna kawnga mahni kea dinga kan dam khawchhuah zel theihna turin Pathian Kohhran chhungkaw tinten **“KEI LEH KA CHHUNGTE ERAWH HI ZAWNGIN LALPA RAWNG A NI KAN BAWL DAWN NI”** (Josua 24:15) tih hi kan chhungkaw thupui lo ni zel rawh se.

Pathian Kohhran chhungkaw tinte Lalpa'n malsawm theuh che u rawh se.

Mission Rawngbawlna Report

Pastor HC. Zosanga

Dt 24.05.23 (Wednesday)-ah Champhaiah Mission Department rawngbawlna nei turin Aizawl aṅangin ka kal a, tluang takin Champhai ka thleng a, Pastor Faka'n min lo hmuak a, Pastor Quarters-ah ka inngat a, a tuk ni 25 chu ka chawl hahdam a, tichuan ni 26.05.23 Zirtawp ni-ah Zotlang, kan Mission Field lam Pastor Faka nen kan tlawh a, an inkhawmna inpui hi Pi Zaaizingi te in a ni.

Anniho hi Pathian Kohhran an inti a, Pu Lalzâwna auh chhuahte an ni a, Kût pathum an hmang a, (1) Kalhlen Kût (2) Pentikos (3) Bawkte Kût te an hmang a, Pu Lalzâwna pawlte pawh an zawm tawh chuang lo, anmahni chhungkaw kual vek an ni a, Member 30-40 inkar vel an ni a, eng pawl mah zawm an nei lova, an mahniin an awm tawp mai a ni. A ṭhenin U.I.D an duh lova, a ṭhen chuan an nei a; mahse, a nei an tam lo.

Dt 27.05.23 Sabbath ni a ni a, Pi Zaaizingite inah

kan inkhawm a, keiman thu ka sawi a, Thupui:- Inrem lehna ni a pawimawhna leh kan hman ngei ngei tura Pathianin min phut tlat a ni tih ka sawi a, an ngaithla ngun khawp mai. Dt 28.05.23 (Sunday) Pentikos a ni a, Full-a te inah kan inkhawm a, thu ka sawi a, Thupui:- Pentikos chhiar dan leh Pentikos pawimawhna thu ka sawi a, tlaiah ar riau min ṭhehpui a, kan tlai khawp mai. Dt 29.05.23 (Monday) Pi Zaaizingi inkhawmna in neitu a dam lo va, ani hi kum 96 lai a ni tawh a, Pastor Faka nen kan kan a, a pualin ṭawngṭaina

te kan nei a, tlaiah kan hawsan leh ta a ni.

Dt 03.06.23 Sabbath, Zotlangah Pi Zaaizingi a damloh avangin Champhai Vengsangah kan Biak inah kan inkhawm a, thu ka sawi a, Thupui atan :- “Thuhretu pahnihte chu tute nge an nih?” Thuthlung hmasaah Israel-te, Thuthlung tharah Kohhrante kan nih thu ka sawi a, inkhawm banah Elder Dengate inah kan inkawmho.

Dt 04.06.23 (Sunday), Champhai Circle hruaitute nen Zan khat riakin Sazep Biak in sak thar kan enpui a, A dung feet 36, a vang feet 18-in an rel a, a ban leh a beam-te an chhung tawh a, a hnung lamah feet 12-in a ban leh beam chhun leh ni se, a hulhliap a hrana siam ngai tawh lo turin ruahmanpui a ni. Headquarters atanga Biak in sak tanpuina Rs. 70,000/- pawh hlan nghal a ni. Zanah Biak inah

kan inkhawm a, thu ka sawi a, Thupui atan:- “Zuk leh hmuam leh ruih theih thil laka kan in thiar fihlim a pawimawh” tih ka sawi a, dt 05.06.23 (Monday)-ah Sazep atangin zingah Champhaiah kan haw leh.

Dt 07.06.2023 Pi Zaaizingi Damdawi inah an dah a, Pastor Faka nen kan kan a, kanna Rs. 500/- ka pe a, tawngtaina te ka hmansak bawk. Doctor ten awm rei an phal lova, kan chhuahsan leh mai.

Dt 08.06.2023 Ningani, Dar 11:30 AM-ah Pi Zaaizingi a thi a, Pastor Faka nen kan tlan thla nghal a, kan thlena ka thut fel hnuah ka dinga thu tlem ka sawi a, chuan tawngtaina ka hmang nghal a, tlai dar 4-ah kan hawsan a, zan lam chu Lumen tur a ni a, thalai pual a nih avangin kan kal lo.

Dt 09.06.2023 Friday a ni a, Pi Zaaizingi ruang ni a ni, Champhai Kohhrante

pawh kan kal tha khawp mai, a fapa Pu Lawma'n a vui a, Elder Lalthanzuala'n Mitthi chhungte Thlamuan-na dilin a tawngtai a, a tawpah keiman malsawm-nain hun tawp ka siam.

Dt 10.06.2023 Sabbath, Champhai Vengsangah kan inkhawm a, thu ka sawi a, Thupui :- "Taksa thianghlimna" thu ka sawi a, Inkhawm banah Zotlang khawhar inah Kohhranhote kan leng.

Dt 12.06.25 Monday-ah khawhar inah kan leng a, Zotlang Pathian Kohhran intite hi hotu pahnih nei an ni a, Pu Lawma leh Pu Thangate an ni a. Pu Thanga hi chuan min zawm a duh a, Pu Lawma erawh chuan engmah a sawi duh lo, an member-te zingah pawh mi zawm duh chu an awm nual mahse, an hotupa ber Pu Lawma hian engmah a sawi duh loh avangin a miten an veng deuh. Pu Lawma hi

Champhaia awm a ni a, a Padam lai chuan Champhai kan Kohhran zingah ngawt a inkhawm thin a, min en hrang lo tih chu a hriat reng mai. A pa thih hnuah an maicham a mit mai a hlau va, a zuk inkhawmpui thin a, Champhai atang chuan KM. 6 vel lai a ni a, a inkhawmpui reng theih a rinawm loh. Bialtu Pastor leh Champhai Kohhran hote hriatah lo en hrang lo ula, Pastor Faka term tawp lamah chuan kan inpakhat thei maiin a rinawm tih thu te ka sawi.

Dt 17.06.23 Sabbath Zotlangah kan inkhawm a, Champhai lam atang pawhin kan kal tha khawp mai. Bible Prophetic Chart ka zar a, Sakawlh leh a chhinchhiahnate, hun leh dan a tihdanglamna te ka sawi a, thu ka sawi zawh hian Nau hlan te, Baptisma chan te, Inneih te in duh chuan Bialtu Pastor Faka a awm a, inthlahrung lovin in

lo hrilh thin dawn nia, tiin
thu ka chah bawk.

**Pastor Haggai Basumatary
Report:**

Nipui, July thla chhungin
Assam leh West Bengal
Kohhrante a tlawh chhuak
vek a. Mi tam tak chu dam
lohna leh taksa lam harsatna
hrang hrangin a tlakbuak a.
Anmahni awmna a thlen
hmain, a then chu inentirin
hun an hmang a, thenkhat
tawngtaina zara dam ta te an
ni. Tunah chuan an zia tawh
hlawm a, a thene phei chu
lo lam hna an thawk leh thei
tawh.

Assam Kohhranhote leh
ram mipuite hian harsatna
hi kawng hrang hrangin an
tawk ve deuh reng a, chutih
rual chuan, Chanchin tha
Thutak chu anmahni
kaltlangin nasa takin a
darhzau ve zel a, Pathianin
a bungbel atan a hmang ve
hle a, member thar pawh an
beisei a ni.

Thil dang lehah chuan,

Assam Circle Board-te
chuan Assam-ah Biak In
thar pahnih sakna atan
tanpuina sumfai an pe a,
Hetiangin:

1. Kachugaon - Kokrajhar:
Rs. 17,200.00
2. Bholatar - Udalguri:
Rs. 22,000.00

Hmalakna dangah chuan,
Naupang (kum 5-12 inkar)
te leh thalai rualte tan Bible
Study Class Program 27-29,
July, 2023, ni thum chhung
hian Borengajuli (Shantipur
Church) Udalguri district-
ah an buatsaihsak a ni. *(Tisa
leh Thlarauah in dam that
ka beisei. In mi tawngtai-
puina zawng zawngah
lawmthu ka sawi e,' a rawn
ti a ni.)*

Meghalaya:

Pi Pynroilang te nupain
July 29, 2023 khan Yehsua
Messia hmingin Chutwa-
khu Sarhen khuaah Yeshua
Messia hmingin baptisma
an chang, an fate pahnih

Chbunzawmna phek 24-naah)

PATHIAN THU ZIR ȚULNA - I

Pro. Pastor Lalramdinmawia

Thuhmahruai

Mizo Society hi Kohhran awm nghenga thle phei a nih avang te pawh a ni maithei, Pathian Thu hi kan tuipui viau mai a. Hei hi thil lawmawm tak a ni. Amaherawhchu, Pathian thu hrilhfiyah dik tura ngaihtuahna hmang peih, a zira zir erawh kan tam lo hle ni hian a hriat a. Hei hi thil pawh tak a ni thung. Bible hi Pathian inpuanna famkim, Yeshua Messia chanchin leh Pathian Chhandamna hnathawh ropui tak chhinchhiahna bu a ni a, chuvângin Bible hian zir a phu a, zir a Țul bawh a ni.

Pathian Thu zir lote harsatna

Tun hmain mi Țhenkhat chuan inti thlaraumi takin, 'Cherra leh Yatmol (Yavatmal) a ngai nê maw, Kalvari sikul chhuak ka nih hi,' tiin Bible zir hi thlarau lo riauin an ngai Țhin a ni awm e. Mahse, hei hi ngaihdân dik tâwk lo a ni. Chung mite chuan Pathian Thu zir chu an ngainep a, zir lo pawhin Pathian Thu chu kalpui dik theiah an inngai a, mahni rilrua a lan dan chu an dah lal Țhin hle. Chu chuan hriatna dik

tawh lo a hring a, a hre zawkte hrilhfiyahna pawm tumna nei lovin Țanfung nghet leh inngahna Țha tawh an neih lem loh pawh rilru an tinghet laklawh a, Thlarau Thianghlim lo zawh hi a che chak tawh Țhin a ni!

A tlangpuiin, chung mite chuan Țawng bul zawh, Bible lehlin dik zawh, lehkhabu Țha zawh an hlamchhiah Țhin vang a ni a. An thu lakna leh hriatna hnar pawh Social Media-a mi thusawi maksak pui pui ngaihtlak te, Kohhran tlan pel leh rausan tum zawnga

Pathian thu kalpui duh mai - Kohhran pawn Ministry rawngbawlna thenkhatte, zirbingna tel si lova Pathian Thuchah sawi ril leh sawi thuk tum reng renga hmanhlel thuhiril te hi a ni fo. Chung Pathian Thu tuipui, zirchianna nei duh chuang si lote chuan Kohhran thlengin harsatna an thlen ta thin a ni. Kan hriat atana pawimawh em em chu Thlarau Thianghlimin kan thinlunga a sawi nia kan hriat leh Bible-a PathianThu awmsa hi a inmil ngei tur a ni. Lal Yeshua ngei ngei pawh Pathian fapa meuh ni mah sela, diabola thlêmnate chu ama ir-âwm chhuaka chhâng mai lovin 'tih ziak a ni' tih vekin Bible thu awmsa hmangin diabola a chhâng thla vek a nih kha.

Bible zir tul em em nachhan

Bible thute hi ngun tak leh fimkhur taka zir a pawimawh em em a, a chhan chu hmanlai mite ziak a ni a, an tawng hman a dang a, a bu hrang

hrangte hi a ziak dân hmang a inang lo thluah a ni. Thuthlung hlui hmun thuma thena hmun khat hi hla thua ziak a ni a; Thuthlung Thara thu tam tak pawh hi hla thua ziak a ni baw.

1. Thuziak kalhmang bik nei awmna lehkhabu a ni.

Thuthlung Thar lehkhabu tam ber chu lehkhathawn a ni a, a then sermon a ni a, a then erawh khuhhawanna bu (apocalyptic literature) a ni thung. Entirnân: I Kor. 13 thu kan chhiar chuan Paulan sermon a thlâk a, a thupui chu 'Hmangaihna' tih a ni. Chuvângin helai Bible hi chu sermon kan ngaihthlâk dân rilru a tangin ngaithla/chhiar ila, tlâng sawnna khawp rinna nei siin hmangaihna a neih loh theih dawn em ni? tih lam kha buaipui chiam tur a ni lo, a chhan chu Paula sawi tum lam a ni lo, a sawi tum chu hmangaihna pawimawhzia, thil dang zawng zawng a tâwp vek hunah pawh hmangaihna

chu chatuana awm tur a ni, tih hi a ni zawk a.

Chutiang bawkin khuh-hawna lehkhabu (Daniela leh Thupuan, adt.)-te pawh hi mi naran tâna hriat mai harsa, a ziaktu leh a ziaksakate tân erawh hriat thiam harsa si lo te an ni. Entirnân: Ram buai lai khân Mizo sipaiten an lehkhathawnah, *'Tunlai in lo-ah zâwng a nghal em? Keini chu kan lo-ah a chhuak reng mai'* an tih chuan ramhnuai zâwng tak tak an sawina ni lovin, *'Tunlai inkhuaah vai sipai an rawn kal ngai em?'* an tihna daih a ni. Chuvang chuan hêngThu puan bute hi a hunlai chanchin leh a chhehvel boruak zir Chiang mang si lova duh duh sakawlha lo puh ve ngawt te hi a dik thei lo a ni.

2. Ṭawng danga ziaik a ni.

Bible hi ṭawng danga ziaik lehlin chhâwn a nih avângin zir chian a ṭul leh zual a ni. Thuthlung Hlui bute hi atîrah chuan Hebrai ṭawng leh

Aramaik ṭawng ziaik a ni a, Thuthlung Thar erawh chu Greek ṭawng ziaik a ni. Kum zabi 13-na hnu lamah English-in an letling a, Mizo ṭawng pheh chuan Bible bu pum hi kum 1959 khan lehlin chhuah a ni ve chauh a ni. Ṭawng kalhmang reng reng hi a inang vek tak tak thei lo va, chuvangin a awmzia zuk zir chian a, a Greek ṭawngah chuan emaw, a Hebrai ṭawngah chuan tih vêl hi a ngai ta fo a ni.

3. Hnam nunphung danglam avangin.

Bible zir chian ṭulna chhan dang pakhat chu a ziaiktute hnam nunphung (culture) leh kan hnam nunphung inang lo hi a ni. Paula te hunlaia Kristianten chibai an inbûk dan chi khat chu *'fawh thianghlim'* a ni awm e. Rom 16:16-ah chuan Paulan *'fawh thianghlimin chibai inbûk rawhu'* a ti a, chu chu an hnam chin dan pakhat a ni. Mahse, chu chu keini lo tih ve ngawt

chu a dik thei lo vang. Bible-ah a inziak tih vâng ngawta a ziak ang anga lo hman ve ngawt rem lo tam tak a awm thei a ni.

Bible zir t̄lna chhan kan sawi kim seng lo vang; Joh. 3:16-ah “*Pathianin khawvêl a hmangaih êm êm a...*” a tih mêk laiin, I Joh. 2:15-ah “*Khawvêl hi hmangaih suh ula...*” tih kan hmu leh bawk si, chu chuan he laia ‘*khawvêl*’ tih t̄awngkam lo lang ve ve hian kawh hrang a nei a ni tih a hriat theih.

Pathian hian Bible thu kan la hriat ngai reng reng loh hmang hian min pawl ngai lo va, chuvângin ngun taka Bible zir t̄hîn mite hian Pathian p̄awlna thar an dawng nge nge t̄hîn. Ethiopia mi tilreh pakhatin Isaia bu a chhiar a, Philippan, “I chhiar kha a awmzia i hria em?” (T.T. 8:30-31) a va ti a, ani chuan, “*Tuma mi hrihfiah lovin engtin nge ka hriat theih ang?*” a ti a nih kha. Chu-

vângin Bible hi chhiara hriat mai theih a awm laiin, zir chian ngai a tam êm êm a ni.

Engtin nge Bible chu kan zir ang?

1. Fianrialah mahni chauhin Bible i zir ang.

Engtin nge Bible chu kan zir ang? Bible College-ah kan lut vek thei si lo. Mahniin fianrialah kan Bible t̄heuh kha keuin i chhiar phawt mai teh ang. Bible zir dân t̄ha ber chu Pathian p̄awlna rilru nê, mahni tân ngei chhiar t̄hîn tur a ni. Bible i chhiarin i hrethiam nghal vek lo a nih pawhin beidawng suh la, ngun taka ngaihtuaha Pathian r̄awn chungin chhiar chhunzawm zêl ang che.

2. A huhova zir i uar ang u.

Mahni chauhva Bible chhiara zir t̄hîn a t̄angkai êm êm laiin, a huhova zir t̄hîn pawh hi a t̄angkaiin a sawt êm êm a ni. Tu mahin mahni ngawtin thutak an hmufiah sêng lo vang. Chuvangin

PKTP, PKHP, Sabbath Sikul leh Home Crusade bakah Bible Study Programme-ah te, a huhova Bible kan zir thîn hi a tângkai êm êm a ni.

3. Rilru inhawng taka zir tûr a ni.

Mi thenkhat chuan inhnia-naa tanfung tur te, an pawm tawh dan nemnghehna tur te zawngin Bible hi an zir fo thîn. Chutiang mite chuan Pathian aw hriat tum lovin anmahni aw thangkâwk hriat an tum tihna a ni. Chutiang chu ni lovin Pathian thu kan chhiarin rilru inhawng takin, tum dan sa leh duh dan sa pawh tilal lovin Pathian aw ngun taka ngai-châng chung a zir tur a ni.

4. A bu pumpui thlîr chungin zir tur a ni.

Bible kan zirin khawimaw laia tawngkam mal emaw la chhuaka duh hawi zawng zawng pawh fân ngawt tur a ni lova, a bu mal emaw, hlâwm khat bîk thute kan zir dawn a

nih pawhin a bu pumpui thlîr chung a zir ngei tur a ni. Entirnân: Rom 6:6-ah chuan Paulan, “*Hêng hi hria ila: kan mihring hlui chu a hnênah khenbehin a awm ta...*” tih chinah hian lo rêk bung ta ila, chuti chu ringtu hian soal a thihsan tak tak a nih si chuan a soal leh thei dawn tawh lo a nih hi, tih mai theih a ni a; mahse, kan chhiar zel chuan châng 11-ah chuan Paula vekin, “*Chutiang bawkin nangni pawh soal lam kawngah thi tawhah inruat ula...*” tiin tlâng a kâwm leh si. Paula hian sawi a tum chu miin Yeshua Messia a rin vêleh soal leh a chhehvêl thilte chu thihsanin hotu thar nei a ni tih a inpawm tur a tihna a ni, a soal thei tawh lo a tihna a ni lo vang.

5. Kohhran pawm dân huang chhûng atângin zir tur.

Kohhran hian Pathian thu pawm dân mumal tak a nei a, chumi chhûngah chuan

Pathian thu hi zir ila a him ber fo. Thupui harsa bîkte leh ngaihdan chi hrang hrang awm theite erawh hi chu a tul chuan Pathian thu thiamte nêna zir chian thin tur a ni ang. Chhandamna hawi lo zawng leh a dik ber sawi tur awm chuang si lo kara ngaihtuahna zawng zawng pek mai te hi thil awm thei deuh a ni a. Kan nun min chawm zawnga Pathian Thu kan kalpui loh hun chu Kohhran nun a buai hun a ni mai. Chuvangin, Kohhran pawm dân chhông ațangin Pathian thu zir ila, zir belh ngai leh tihchian ngai awmah erawh tlawmah la lovin a fel thei ang ber siin insiam rem a ngam tur a ni bawk ang.

6. Bible zirna hmanrua nêna

Mistiri rau rauah hmanraw nei leh nei lo chu țangkai hlei tak an ni. Sipai rau rauah ralthuam nei țha leh țha lo chu an hlauhawm hlei khawp ang. Bible hi hriatthiam mai theih a awm laiin, hriatthiam awlsam a ni vek lova;

chuvangin, Bible zirnapuitu hmanraw dangte an țang kai hle. Bible lehlin hrang hrang-sap țawng leh Mizo țawng pawh kawl ve ngei tum ila, Bible Dictionary leh Commentary thenkhat tal hi chu a man a tam deuh a nih pawhin neih theih ngei a țha.

Tlângkawmna

Beroia khuaa mite chu Thessalonika khuaa mite ai chuan an lo țha zâwk a... an thusawi chu a dik leh dik loh hriat nân ni tin Pathian lehkhaah an zawng thin a (T.T. 17:11) tih kan hmu. Keini pawh miin Pathian thu an sawite hi a dik chiah em? Bible sawi dân nêna inmil em? Engtin nge Pathian Thutak kan puanchhuah theih ang? Kohhran Thurin leh Zirtirna hrang hrangte hi engtiang chiaha rintlakte nge tih te hre thei turin țawngțaina nêna Pathian thu i zir zêl ang u.

MIZORAM PATHIAN KOHHRAN THALAI PAWL REPORT

BRANCH

• July 2, 2023 khan PKTP Chawngte 'P' Branch te chuan Hoarding Board siam that hnatlang an nei a, thalai member an thawk chhuak tha hle. An President Deacon Lalrokhawla'n chawhmeh tur Arsa a thawh a, tlailamah chawhlui an kilho nghal a ni.

Keyboard Monitor tur, Speaker tha tawk tak leh FM Mic pahnih Kohhran Biak In-a hman tur an lei fel a, a chung a kan tarlan tak, Hoarding Board an siam that, Lunglei Road leh Lawngtlai Road pannaah Pathian thu inziak an tar ve ve bawk.

Heti hian PKTP Chawngte 'P' Branch te

chuan Kum 2023 chhunga an Project zinga pahnih (2) chu an hlenchhuak ta a ni.

• July 16, 2023 Sunday khan PKTP Bungtlang South Branch te chuan General Conference lo awm tur inbuatsaihna kal zelah hnatlang an nei.

MPKTP

• MPKTP Executive Member leh Committee peng hrang hranga Hruaitu pawimawh tak mai, Tv. Lalramdinmawia chuan hlawhtling taka B.D. zovin, Serampore College result tihchhuahah Grade-A a score a, Pro Pastor atana interview-ah a tling lehzal pawh hi kan lawmpui hle a. A thiamna leh finnat Kohhran leh Pathian tana

hmang zel turin duhsakna MPKTP chuan a hlan a ni.

- July 8, 2023 Sabbath Inkhawm ban khan MPKTP Manual by Laws Revision Sub-Committee te chuan Meeting Wawi 2-na an nei a, Aizawl Local Biak in, Khatla South-ah neiin tlaiah Deacon Ramnghinga inah chawhlui an kilho nghal a, chaw eikhamah Deacon Ramnghinga inah Meeting hi an nei chhunzawm leh a ni. He Meeting-ah hian Committee Member pasarih (7) an tel thei a ni.

- July 9, 2023 Sunday khan MPKTP OB Meeting Wawi 10-na neih a ni a, O.B. panga (5) tel theiin, Adviser Pastor Robert Malsawm-sanga'n a telpui bawk. Tlaiah chawhlui kilho nghalin zan lamah meeting chhunzawm leh a ni. MPKTP General Conference 2023 atana inbuatsaihna te pawh relho a ni.

(MISSION RAWNGBAWLNA
Chhunzawmna)

pawh Pathian hnena hlan an ni ta. Pynroilang-i pasal hi Pawl danga mi a ni a, Pynroilang-i hi Evangelist farnu a ni, a pasal chu an lo hmin zui ve thei ta tihna a nih ber chu. A lawmawm hle a ni, an bapisma chan dan kalphung pawh a danglam tawh a rinawm a, tun hma zawng kha chuan THIL TIHA CHHANDAMNA lam hawiin chhandamna dawn nan bapisma an inchantir a, May 4 - 9, 2023-a Mission Department-in a tirhte an zuk kal lai khan an inzirtir fiah ta thung a. Yeshua Chanchin Tha avanga inlamleta sual sim, chhandamna chang tawh nia inhre chianga Messia min chhandam tawhna pawma Yeshua thih leh thawhlehna an tawmpui takzet tih chianna lam zawngin an inchiah ve tawh thung ang. An tunhma hun zawngte khan UPC Thurin ang vekin an lo kal a, an zuk zin khan an thurin vaw chimin, a tharin, Khasi tawngin zuk siamsak a ni ta bawk a ni.

THISEN (Heb., dam; Gk., haima)

— Isaac Hnamte —

Greek ἄνωγ hian hmeichhe thiput thisen chhe hnam chhuak hi *haimorrhoeo* tih a ni hranpa leh kher a, MEDICAL TERM-ah pawh hman zui a ni. Hebrai ἄνωγ thisen hrim hrim hi *dam* tih a ni, Greek ἄνωγ haima. Mizo ἄνωγ THISEN thumal ἄνωγ hi ka hre lo; *sen* tih hi a rawng sawifiahna ni ta se, *thi* tih tak hi eng sawina ni dawn tak maw le?

Thisen hi a zir chiangte chuan Group hrang hrang chi liin an lo ἄνωγ a; a tawi fel zawngin A, B, AB leh O te an ni. Thisen vang chungchuan bika an sawi chu — AB^{-ve}, B^{-ve} leh AB^{+ve} an ni. Thisen Group hi a inmil leh inmil lova thliar a ni leh a, damlo hliampui tuar thisen mamawh nikhuaa thisen inpekin a thiamten an lo thliar fel mai ἄνωγ; tun ἄνωγ chuan MITIN MIL THISEN chanchin hlutzia tawi tea tarlan tum ila – misual, keia thisen pawh hi Yeshua thisenin a mil.

THISEN chu *'tisa zawng zawng nunna chu a thisen chu a ni'* (Lev 17:14a) a tih tlat avangin, *'a thisen chawpin in ei tur a ni lo'* (Lev 17:14b) tih pawh Yahweh kaa thuchhuak a ni (Deut 12:16, 23; 15:23); *'thisen phuba'* tih chena ziaak a awm (Numbers 35:21)

Pathian lamah : I Petera 1:18f-ah chuan, *"...in thlahtute pek chhawn, in awm dan engkhaw ni lawilo lak ata chu, thil chhe thei, tangka leh rangkachaka ilan in ni lo va, beram no hmelhem lo leh bawlbhlawh*

kai lo thisen anga Messia thisen hlu chuan tlan in ni zawk tih in bre si a,” tih thu hlu hi; Exodus 12:13-ah, “... *thisen chu in tan in awmna in chhinchhiahna a ni ang a; tin, thisen chu ka hmuh chuan ka kal hlen ang che u a, tichuan Aigupta ram ka hrem hunah chuan nângmahni tiboraltu tûr in chungah bri rêng rêng a lo lêng lovâng,*” tih a ni daih tawh a, Leviticus 16-ah, bawngpa thisen leh Pathian hmaa hlan tlak ve ve kel pahnih zinga a pakhat zawk thisen (*Messia thisen entirlawkna*) Yahweh hmaa hlan tur thu Puithiamte dan Pathianin a ruatsak tawh kha.

Mihring lamah : *Jeremia 17:9-ah, “Thinlung hi thilzawng zawng aiin bumhmang ber, chhe lailet der a ni a; Tuin nge brethiam thei ang?”* tih a ni; *Ezekiela 36:26-ah, “Thinlung thar ka pe ang che u a, in chungah thlarau thar ka dah ang: in*

tisa ata thinlung, lung anga sak chu ka la bo ang a, thinlung, tisa anga nêh ka pe zawk ang che u,” tih a ni leh a; Hebrai 10:4-9-ah, “*Bawngpate leh kelte thisen chuan sualte tibo thei rual a ni si lo. Chutichuan, khawvela a lub laiin “Inthawina leh thilhlan i duh lo va, Ka tan taksa mi buatsaihsak zawk a: Halrala pumpeknahte leh, Sual tana inthawinahte chuan lawmna reng i nei lo. ... “Inthawina te, thilhlan te, halrala pumpekna te, sual tana inthawina te i duh lo va, chungah chuan lawmna i nei hek lo,” a ti a, (chungte chu Dan thu anga hlan a ni a,) chu veleh chuan, “Ngai teh, i duhzawng ti turin ka lo kal e,” a lo ti ta a. A (Thuthlung) pahnihna hi a tundin theihna turin –a hmasa chu a la bo ta a ni,”* tih thu AD 70 hma lam hret khan, Yeshua min tlanna famkim chanchin, ziaka chhiar tur a lo awm hman diam tawh, AD 1844 favang nghah

thlen ngai kher a ni lo.

Rom 8:33f thu hlutzia hi “*Pathian mi thlante chu tuin nge hek ang? Thiam-chantirtu kha Pathian a ni si a. Tuin nge thiam loh chantir ang? Thi-a kha Messia Yeshua chu a ni si a; a ni, tho leh ta zawk a, Pathian ding lama awma min sawisaktu (advocate) bawka kha a ni,*” tih thu ril zia hi! I Johana 2:1f-ah, “*Ka naute u, sual in tih loh nan beng thu hi in hnenah ka ziak a nih hi. Tupawhin sual a tih chuan Pa hnenah mi Sawipuitu, Yeshua Messia, mifel chu kan nei e; ani chu kan sualte thuphachawina a ni; keimahni sual chauh ni lovin, khawvel zawng zawng sual thuphachawina pawh a ni,*” tih thu hlutzia pawh hi; Hebrai 9:14-ah, “*Messia, chatuana Thlarau zara hmelhem lova Pathian hnenah inblana thisen chuan Pathian Nung rawngbawl turin in chbia leh tha briatna chu **thiltib thite** lakah chuan*

a va tithianghlim nasa dawn em!” tih thu phena thil hlu hi khawrhchhuah zawh sen rual a ni lo. Thisen tela ei khap vek a nih laiin, Nazareth Yeshua erawh chuan, “**...mihring Fapa tisa in ei a, a thisen in in bawh loh chuan, nangmahniin nunna hei hek lo che u,**” (Johana 6:53) a ti mauh thung, NUNNA DAM-DAWI min prescribe Chiang hle; Leviticus 17:14; Deuteronomy 12, leh 15-a RAN TALH zozai tawh thin te aia chungnung danglam filawr zawk daih a nih chianzia a puang Chiang ta hle. Thisena delhkilh THUTHLUNGTE hi a delhkilhna thisen a inthlauhzia kan varpawh chian poh leh kan hlim zual ang.

Setana lamah ve thung :

Eden Huan-ah khan Rulpui a lo dingchang tawh a; Joba hun laite khan Pathian mite awmkhawmna zingah pawh a tel ngampa ve zel; Yahweh hmaah, mi dikte a chhun

azanin inthlahrung lovin a hek reng bawk a — Yeshua meuh pawh thlalerah a thlem ngam a, Deuteronomy Bu-a chang li vel lek pawh a ngam lawi lo. Engnge ni ta zel le?

Thu Puan 12:10f-ah, “vanah chuan aw ring takin, “Tunah chuan kan Pathian chhandamna leh thiltih-theihna leh lalram chu a lo thleng ta, a Messia thuneihna nen; kan unaute hektu, kan Pathian hmaa achhun azana hek thintu (Setana) chu an pah thla ta si a. Nimahsela, Beram No thisen avang leh an briattirna thu avangin **ani** (Setana) chu an hneh a ni, thih ngam khawpin an nunna an ngainep bawk a,” tih thu-ah hian Yeshua thisen avanga chan thaten Setana an hnehna a lang Chiang. Thu Puan 20:7-10-ah, “Tin, kum sangkhat chu a vei hunah chuan, Setana chu a tanna ata chu chhuabin a awm ang a, lei

kil lia hnam te, Goga leh Magoga chu buma indonaa hruai khawm turin a kal chhuak ang; chungho tamzia chu tuifinriata tiauvut ang mai an ni. Tin, lei vang lam dapin an kal chho va, mi thianghlimte riah hmun leh khaw duhawm tak chu an hual ta a; tin, van atangin, Pathian atangin, mei a lo tla a, anni chu a kangral ta a. Tin, anmahni bumtu Diabola chu sakawlh leh zawlnei der awmna, mei leh kat dilah chuan an pah ta a; tichuan, chatuanin achhun azana nghaisakin an awm ang,” tih a ni, “Sual hlawh chu thihna,” (Rom 6:23) tih a chungah a thleng ve bawk ang. Hmelma hnunung ber, tihbova awm tur chu THIHNA, Kum Sang Lalram hnukharna tura Yeshuan a tih ngei ngei tur a ni, dam hlena zuah tur a nei lo (I Korinth 15:26). Kum 1,000 chhung PHUAR a nih aia rapthlak zawk – TIHBO (katargeo)

hun tur chu Kum Sang Lalram (Ethanim 15-21) leh Ethanim 22 Shemini Atzeret-in a lo entir lawk Pa Chatuan Lalram thleng ngei tur inkarah a thleng ngei dawn.

Khaikhawmna : Hebrai 9:12-14-ah, “*kan tan chatuana tlanna hmu tawhin kelte leh bawngnote thisen vang ni lovin, Ama (Yeshua) thisen vang zawkin Hmun Thianghlimah chuan vawikhatah a lo lut tlingtla ta nghal a (Abib 18, 3790 AM tukab; Ethanim 10, 3791 nghak muang lovin) Kel leh bawngpate thisen leh bawngla vap, mi bawlhblawh chung theh mabin tisa thiang khawpa a tihthianghlim si chuan, Messia, chatuana Thlarau zara hmelhem lova Pathian hnena inhlana thisen chuan Pathian Nung rawng bawl turin in chhia leh tha briatna chu thiltih thite lakah chuan a va tithianghlim nasa dawn em!” tih thu lawmawm a va*

ting Chiang em! Rom 3:23-25-ah, “*mi zawng zawngin Sual an ti tawh vek a, Pathian ropuina an chang zo ta lo a ni;*) chung ringtute chu, *Messia Yeshua-a tlanna awm avang chuan, a khawngaih-nain athlawna thiam chan-tirin an awm a; Pathian dawhtheihnaa hmanlai sualte haiderin a awm avang khan, Pathianin Ama felzia entir nan Messia Yeshua chu, a thisena, rinna avanga, sual thuphachawinaah a ruat a,”* tih thu hlutzia hi, Setana hnehsawhna leh diriamna tlak thu leh hla a ni.

I Johana 1:4-9-ah, “*Tichuan, kan lawm a famkim theih nan heng thute hi kan ziak a nih hi. Tin, thuchah a hnen ata kan hriata in hnena kan hrihb chhawn tur che u chu hei hi a ni: Pathian chu Eng a ni a, amahab chuan thim reng reng a awm lo. Thima awm siin, “Amah ka pawl,” kan tih chuan dawt kan sawi a*

ni, Thutak pawh chu kan zawm lo; amaherawhchu, amah chu Engah a awm angin keini pawh Enga awm kan nih chuan kan inpawl tlang a; tin, a Fapa Yeshua thisenin kan soal zawng zawng min tlenfaisak thin a ni. "Soal ka nei lo," kan tih chuan mahni leh mahni kan inbum a, Thutak chu keimahniah a awm lo a ni. Kan soalte thupha kan chawi chuan, kan soalte ngaidam tur leh kan fel lohna zawng zawng tlengfai turin Amah chu a rinawmin a fel a ni," – Yahweh pawmtlaka kan soal thawina Yeshua Messia hlut famkimzia hi – a tharin i hrut nawn leh ang u.

Jews-ten Deuteronomy 6:13, 16; 8:3 te hi Sidra 45-na VA-ETHANNAN leh Sidra 46-na EIKEV-ah te an chhiar ve tho; a hlutzia an chhawr pha lo, Yeshuan a hman tangkai angin an hmang tangkai pha lo. Yeshua hnawltu Judeans-te kha a nihna takah chuan

ANTICHRISTS hmasa ber huanga mite an ni. Yeshua Messia THISEN hlutzia hi – Pa Pathian a tilawm a (Kolossa 1:19-20), mihringte Pathian tana min leina (Thu Puan 5:9), hla taka mite Pathian hnenah min hnuk hnai a (Ephesians 1:7-17; 2:13); Setana tan erawh chuan – tlawm chianga a boral hlenna tur a ni thung. Yeshua thisenin mihring tungchhova kal tawh reng reng, tu thisen pawh a mil; Chatuana Nunna min pekna THISEN hi a hlu chungchuang bik a ni.

Shofar-ah hian Sermon te, Article te, Mahni khaw chanchin leh kohhran lo din tan dan te zia duh chuan type sa-in Editorial Board Member-te hnenah a thawn theih reng a, a remchan dan ang zelin tihchhuah thin a ni ang.

ZAWHNA LEH CHHANNA

Zawhna:Paula **khan**
kohhran hmeichhiate kha
lu khuh turin a ti a (1 Cor.
11:2-16), hei hi tunlai
kohhran hian danah kan
neih a ÷ul ngei em?

Chhanna:☐Bible hunlai
khan lu emaw hmai emaw
chungchang hi hmun hrang
hrangah, hnam ze hrang
hrangin an tihdan a inang
lo a. Abrahama te hunlai
khan nawhchizuarin an
hmai an khuh ÷hin a (Gen
38:14,15). Chutih rualin
BC kum zabi 12-a Assuria
danah chuan nawhchi-
zuarthen hmai an khuh tur a
ni lo thung a ni. Tin, milem
biakna nena inkaihhnawihin
hmai an khuh ÷hin baw k a
(Ezek 13: 17-21). A ÷henah
chuan monu chuan a hmai
a khuh ÷hin baw k a, monu

cheina a ni (Solomona Hlate
4:1,3; 6:7). Shawl (Puan)
hmanga lu khuh hi hmun
thenkhatah chuan inngaih-
tlawmna leh sunna entirna
a ni ÷hin baw k (2 Sam
15:30).

Thuthlung Hmasaah
(Torah, Neviim, Kethuvim)
dan khan hmeichhia emaw
mipa emaw lu khuh turin a
ti ngai lo a. Hnam hrang
hrangah tihdan a inang lo
tih erawh a hriat theih a ni.
Paula hian lu khuh chung-
chang a sawi a, Rome leh
Greek-ho karah chuan
hmeichhiaten lu an khuh
÷hin tlangpui a. Rome-ho
khawtlangah chuan nawh-
chizuar tan lu khuh phal a
ni lo a, Pathian chibai bukna
hmunah chuan sakhaw mi
nihna entir nan mipa leh

hmeichhiaten lu an khuh
thin a ni.

Paula hunlaia Greek-ho
kawr hak thinah hian lu
khuhna a awm nghal hrim
hrim bawk a ni. Greek-ho
tan erawh chuan mipain lu
an khuh a ngai ve lo a, Juda-
ho zingah pawh chutiang
tho chu a ni. Rome-ho
zingah chuan hmeichhe tan
lu khuhna chu mi fel nihna
te, hmeichhia an ni tih
tarlanna te, an pasalte chawi-
mawina entirna te a ni. Lu
an khuh hian an pasal leh
chhungkua an chawimawi a
ni.

Paula hian khawtlanga
Kristiante tana tiha mawi a
sawi a. Korinth khuaah
pawh hian hmeichhe tana lu
khuh hi thil tiha mawi tak a
ni a. Chutih rualin, Rome-
ho zingah mi awm thei
chhungkua atanga sei lian

hmeichhe thenkhat chuan lu
khuh a ngai lovin an hria a,
zalen taka awm an duh a ni.

Heng mi awm thei zinga
mite pawh hi Kristiana inpe
an awm a ni thei a. Ringtu
zawng zawngte hming that
zawkna turin Paula hian lu
khuh ve lote chu thurawn a
pe niin a lang. Chuvangin,
Paula thil sawi hi hnam ze
thil a nih hmel a, mahse
vawiin atan Paula thurawn
hian awmzia a nei tawh lo
tihna a ni lo. Kan thuan-
hnaw leh chet danah te hian
a thangmawi apiang te leh a
zahawm apiang te kan
ngaihtuah tur a ni a,
chhungkua leh kohhran
chawimawi zawngin awm
kan tum tur a ni tihna a ni
awm e.

Tin, Paula hian lu khuh
chungchanga a tlipna hi a
pawimawh khawp mai.
“Engpawh ni rawh se, hnial

Back Cover Inside
(A kawm hnung lam chhunga dah tur)

SHOFAR	Q & A	August 2023
--------	-------	-------------

an awm a nih pawhin keini zingah chutiang dan kan nei lo, Pathian kohbranho pawhin an nei hek lo,"□(1 Korinth 11:16) Paula hian Korinth khuuaa mite hnamzia chungchangah hian kohhranin dan an neih loh thuin a tlip a ni. Heti laia dan tih thumal a hman hi *Law* (Gk. *nomos*) hmang lovin *Customs* (Gk. *sunetheia*) a hmang a ni. Greek ἄνωγα 'Sunetheia' tih awmziate chu – 'chin dan, hnam tih dan, hnam dan' sawinate a ni.

Bung 11:1-16-na thuah, heng changte hi ngun taka ena zirchian a pawimawh hmasa ang:

Kor. 11:3

Amaherawhchu, mipa tawh phawt lu chu Messia a ni,

hmeichhe lu chu mipa a ni, **Messia lu chu Pathian (Yahweh) a ni** tih in hriat ka duh a ni

I Kor.11:9-11 Mipa hi hmeichhe tana siam a ni hek lo; hmeichhia erawh chu mipa tana siam a ni zawk. Chu mi avang chuan vantirhkohte avangin hmeichhiain **mipa thuneih chhinchhiahna a khum tur a ni**. Nimahsela, **Lalpaah chuan hmeichhia hi mipa lovin a awm thei lova, mipa pawh hi hmeichhia lovin a awm thei hek lo.**

Paula hian Pathian dan thu an zawm tur a sawi nge, an hnam nunhona an chin dan ṭhan thil mawi an puala an zawm tur a sawi zawk tih ngun deuha ngaihtuah a ṭul awm e.